

fecit, nulla quæ sanaret medicina, tanto malo reperta fuit, æger perpetuis doloribus, ijsq; acerbissimis superatus vitam morte commutavit. Hic prædictus doctor Iohannes Pfeil, homo industrius & fidelis medicus, cū arderet desiderio cognoscendæ causæ tanti cruciatus, quò faciliùs & rectiùs opitulari alijs simili in casu posset, à defuncti cognatis precario impetrat, vt disseccare sibi caput mortui liceret. Erat enim inter cætera dona quibus clarebat, etiam Anatomes egregiè peritus. Quod cum fecisset, in capitis aperti cerebro lapidem reperit magnitudine & forma Mori, colore autem quasi pullo aut cinereo, quem deinceps pro singulari miraculo multis ostendit. Discipuli & auditores huius viri inter ceteros fuerunt præcipui illi & præstantes viri, D. V. dalricus Stendlerus physicus Labachensis, D. Iohannes Sprembergius physicus medicus Vratislaviensis, D.